

Վարչական տույժ նշանակելու մասին

«20» ապրիլի 2023թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով Իրանի Իսլամական Հանրապետության քաղաքացի Շահրամ Ազիմի Համդանի (անձնագիր՝ V49341328, հասցե՝ ԻԻՀ, ք.Արդաբիլ, Քոսար փողոց, տուն 590) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի հոկտեմբերի 06-ին ՀՀ ՊԵԿ ՄԴՊՎ ՍՏԲ Մեղրիի բաժանմունքի և Հարավային մաքսատուն-վարչության Մեղրիի մաքսային կետ-բաժնի աշխատակիցները համատեղ, Մեղրիի մաքսային կետ-բաժնի տարածքում մաքսային զննության են ենթարկել ԻԻՀ-ից ՀՀ ժամանած, ԻԻՀ քաղաքացի Շահրամ Ազիմի Համդանի կողմից վարվող «VOLVO B9R» մակնիշի, 32AA981 պետհամարանիշի ուղևորային ավտոբուսը: Զննման արդյունքում տրանսպորտային միջոցի սրահի հատակի տակից և ետնամասի ապակու պաստառի հետևում պատրաստված թաքստոցից հայտնաբերվել են մաքսային հսկողությունից թաքցված 75 հատ ֆուտբոլային համազգեստ՝ շապիկ իր կիսավարտիքով, 166 հատ ֆուտբոլային գուլպա /զույգ/, 12 հատ ֆուտբոլային մարզակոշիկ /զույգ/, 4 հատ «KHOSHPAINT MFG. CO» գրառմամբ ավտոմեքենայի ներկ /3.5 կգ/, 18 հատ «KHOSHPAINT MFG. CO» գրառմամբ ավտոմեքենայի ներկ /1.5 կգ/, 26 հատ ոտքի պաշտպանիչներ /ֆուտբոլային, զույգ/, 7 կգ էլեկտրական դիողներ, 1 հատ լեդ լույսեր շրջանակով, 2 հատ «MODERN» գրառմամբ ավտոմեքենայի լուսարձակներ /տուփ/, 2 հատ «STEERLING VALVE» գրառմամբ ավտոպահեստամասեր /տուփ/, 2 հատ «FANTEX» գրառմամբ ավտոպահեստամասեր /տուփ/, 5 հատ «BABA PART MOTOR» գրառմամբ ավտոպահեստամասեր /տուփ/, 1 հատ «VPART» գրառմամբ ավտոպահեստամասեր պոլիէթիլենային փաթեթավորումով, 5 հատ «ISO» գրառմամբ ավտոպահեստամասեր պոլիէթիլենային փաթեթավորումով, 7 հատ «PISTON RING SET» գրառմամբ ավտոպահեստամասեր պոլիէթիլենային փաթեթավորումով, 1 հատ «TASHKIN» գրառմամբ ավտոպահեստամասեր /տուփ/, 25 հատ «FRCO» գրառմամբ ավտոպահեստամասեր պոլիէթիլենային փաթեթավորումով:

Փաստի առթիվ 06.10.2022 թվականին ՄԴՊՎ ՍՏԲ Մեղրիի բաժանմունքի ավագ մաքսային տեսուչի կողմից վարորդ ԻԻՀ քաղաքացի Շահրամ Ազիմի Համդանի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ իրավախախտման անմիջական օբյեկտ համարվող վերոնշյալ ապրանքներն ի պահ են հանձնվել Մեղրիի մաքսային կետ-բաժնի մաքսային հսկողության տարածքում:

Հարուցված վարչական վարույթի շրջանակներում 10.10.2022 թվականին վերոնշյալ ապրանքների շուկայական արժեքները պարզելու նպատակով նշանակվել է «Ապրանքագիտական փորձաքննություն», որի կատարումը, հիմք ընդունելով ՀՀ ՊԵԿ-ի և ՀՀ ԱՆ «Փորձագիտական կենտրոն» ՊՈԱԿ-ի միջև առկա պայմանագիրը, հանձնարարվել է «Փորձագիտական կենտրոն» ՊՈԱԿ-ին:

Հաշվի առնելով այն հանգամանքը, որ օրենքով նախատեսված վարչական վարույթն իրականացնելու երկամսյա ժամկետում փորձագետի կողմից եզրակացություն չի տրամադրվել և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետով և 4-րդ մասով՝ 06.10.2022 թվականին ԻԻՀ քաղաքացի Շահրամ Ազիմի Համդանի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցված մաքսային կանոնների խախտման վերաբերյալ վարույթը երկարաձգվել է:

ՀՀ ԱՆ «Փորձագիտական կենտրոն» ՊՈԱԿ-ի կողմից 22.03.2023 թվականին տրված թիվ 17062210 եզրակացության համաձայն՝ 06.10.2022 թվականի դրությամբ՝ 1 հատի ֆուտբոլային հավաքածուի /շապիկ և կիսավարտիք/ շուկայական արժեքը ՀՀ-ում կազմում է **6000** ՀՀ դրամ, 1 հատ ֆուտբոլային գուլպայի շուկայական արժեքը ՀՀ-ում կազմում է **1000** ՀՀ դրամ, 1 զույգ ֆուտբոլային մարզակոշիկի շուկայական արժեքը ՀՀ-ում կազմում է **10000** ՀՀ դրամ, 1 հատ 3,312 լիտր տարողությամբ ավտոմեքենայի ներկի շուկայական արժեքը ՀՀ-ում կազմում է **10000** ՀՀ դրամ, 1 հատ 0,0946 լիտր տարողությամբ ավտոմեքենայի ներկի շուկայական արժեքը ՀՀ-ում կազմում է **4000** ՀՀ դրամ, 1 զույգ ոտքի ֆուտբոլային պաշտպանիչների շուկայական արժեքը ՀՀ-ում կազմում է **7000** ՀՀ դրամ, 1 հատ էլեկտրական ռեզիստորի /1/4W, 5%, 680R/ շուկայական արժեքը ՀՀ-ում կազմում է **4000** ՀՀ դրամ, 1 հատ էլեկտրական ռեզիստորի /BC807-40/SMD/ շուկայական արժեքը ՀՀ-ում կազմում է **22000** ՀՀ դրամ, 1 հատ առջևի լուսարձակի շուկայական արժեքը ՀՀ-ում կազմում է **30000** ՀՀ դրամ, 1 հատ ղեկային համակարգի փականի

շուկայական արժեքը ՀՀ-ում կազմում է **12000** ՀՀ դրամ, 1 հատ վառելիքի ներմղիչի շուկայական արժեքը ՀՀ-ում կազմում է **12000** ՀՀ դրամ, 1 հատ հովացման համակարգի թերմոստատի շուկայական արժեքը ՀՀ-ում կազմում է **10000** ՀՀ դրամ, 1 հատ շարժիչի հաճախականության տվիչի շուկայական արժեքը ՀՀ-ում կազմում է **6000** ՀՀ դրամ, 1 հատ փոխանցման տուփի կուլիսի շուկայական արժեքը ՀՀ-ում կազմում է **10000** ՀՀ դրամ, 1 հավաքածու շարժիչի մխոցային օղակների շուկայական արժեքը ՀՀ-ում կազմում է **15000** ՀՀ դրամ, 1 զույգ արգելակման սկավառակի շուկայական արժեքը ՀՀ-ում կազմում է **15000** ՀՀ դրամ, 1 հատ հարվածամեղմիչ թասի շուկայական արժեքը ՀՀ-ում կազմում է **3000** ՀՀ դրամ:

Հիմք ընդունելով փորձագիտական եզրակացությունները՝ վարչական վարույթի շրջանակներում 23.03.2023 թվականի թիվ 91 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքները, վճարման ենթակա մաքսային վճարների չափերը, ոչ սակագնային կարգավորման միջոցների կիրառելիությունը: ՀՀ ՊԵԿ Հարավային մաքսատուն-վարչության 20.04.2023 թվականի թիվ 280 մտից համարի տեղեկանքի համաձայն՝ 2022թ հոկտեմբերի 10-ի դրությամբ ԻԻՀ քաղաքացի Շահրամ Ազիմի Համդանի կողմից թաքցված ապրանքների մաքսային արժեքը կկազմեր **1 173 600** ՀՀ դրամ, նույն տեղեկանքի համաձայն արգելակման սկավառակի և հովացման համակարգի թերմոստատի նկատմամբ ՀՀ կառավարության 1308-Ն որոշմամբ որոշմամբ կիրառվում են ոչ սակագնային կարգավորման միջոցներ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ «Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով»:

ԻԻՀ քաղաքացի Շահրամ Ազիմի Համդանին Իրանի Իսլամական Հանրապետություն, քաղաք Արդաբիլ, Քոսար փողոց, տուն 590 հասցեին այս գործի վարույթի և քննության մասին թիվ /23.1/17554-2023 գրությամբ ուղարկվել է ծանուցագիր:

ԻԻՀ քաղաքացի Շահրամ Ազիմի Համդանին Իրանի Իսլամական Հանրապետություն, քաղաք Արդաբիլ, Քոսար փողոց, տուն 590 հասցեին թիվ /23.1/17554-2023 գրությամբ ուղարկված երկարաձգման որոշման և թիվ /23.1/89366-2022 գրությամբ ուղարկված ծանուցագրի վերաբերյալ տեղեկատվություն առկա չէ:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչություն՝ նպատակ ունենալով պարզել քաղաքացի Շահրամ Ազիմի Համդանի հաշվառման վայրը:

Ի պատասխան հարցման՝ ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Շահրամ Ազիմի Համդանին հաշվառման վայրի վերաբերյալ տեղեկատվություն առկա չէ:

Մաքսային սահմանով տեղափոխված միջոցառ ապրանքների մաքսային արժեքի չափով՝ 173 600 ՀՀ դրամով:

Քաղաքացի Շահրամ Ազիմի Համդանի սահմանահատումների պատմությունը ստանալու նպատակով՝ 20.04.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն համաձայն որի քաղաքացի Շահրամ Ազիմի Համդանին 20.04.2023 թվականին ժամը 04:06-ին Ագարակ պետական սահմանի անցման կետով մուտք է գործել ՀՀ:

ՀՀ մաքսային օրենսգրքի 219-րդ հոդվածի համաձայն՝ «Մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ **եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս**»:

Այսպիսով, նյութերով պարզվել է, որ 2022 թվականի հոկտեմբերի 06-ին ԻԻՀ քաղաքացի Շահրամ Ազիմի Համդանին, մաքսային հսկողությունից թաքցնելով, իր կողմից շահագործվող «VOLVO B9R» մակնիշի, 32AA981 պետհամարանիշի ուղևորային ավտոբուսով, ՀՀ մաքսային սահմանով տեղափոխել է ընդհանուր՝ 1 173 600 ՀՀ դրամ մաքսային արժեքով ապրանքներ, այսինքն՝ ԻԻՀ քաղաքացի Շահրամ Ազիմի Համդանի կողմից թույլ է տրվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, Հարավային մաքսատուն-վարչության թիվ 280 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Շահրամ Ազիմի Համդանին ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքների մաքսային արժեքի չափով՝ 1 173 600 ՀՀ դրամի չափով:

2. Որոշման մասին հայտնել քաղաքացի Շահրամ Ազիմի Համդանին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ որոշումը կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. 900005024055՝ 1 173 600 ՀՀ դրամ, նշել 30 կողը:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ

